



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАРЛАМА

Ұлттық валюта банкнотын айырбастауға шексіз мерзім енгізу нәтижелері туралы

2021 жыл, 26 тамыз

Қазақстан Ұлттық Банкі (бұдан әрі – ҚҰБ) 2021 жылдың 12 маусымынан бастап 2006 жылы және одан кейінгі жылдары шыққан банкноттарды **мерзімсіз айырбастау кезеңі** күшіне енгенін еске салады. Осы уақыт аралығында қазақстандықтар жалпы мөлшері 163 млн теңгеден көп ақшаға 66 403 банкнот айырбастап алды.

Банкноттарды ауыстыруға қатысты өтініштердің басым бөлігі Алматы (16,6%), Нұр-Сұлтан (9,7%) және Қарағанды облысы (8,8%) тұрғындарынан түсті. Айырбастауға қабылданған купюралардың негізгі үлесін – номиналы 500 теңгелік банкноттар (47,1%) құрайды.

Айта кетейік, айналымнан шыққан 2006 жылғы үлгідегі номиналы 500, 1000, 2000, 5000 және 10 000 теңгелік банкноттарды шекті мерзіміне қарамастан ҚҰБ-тың аумақтық филиалдарында айырбастауға болады.

Жаңа банкнот шыққан жағдайда ескі үлгісі 12 ай бойы қолданыста қатар жүреді. Бір жыл бойы ескі банкнот та, жаңа банкнот та заңды төлем құралы болып саналады және олар барлық төлем түрі бойынша қабылдануға міндетті.

Қандай да бір банкнот айналымнан шыққан жағдайда 3 жыл ішінде оны ҚҰБ филиалдарынан да, екінші деңгейлі банктердің бөлімшелері мен «Қазпошта» кеңселерінен де айырбастап алуға болады. Айналымнан алынған банкноттар 3 жыл өткен соң да ҚҰБ филиалдарында мерзімсіз айырбастауға жатады.

Ұлттық Банк филиалдарының мекен-жайы мен байланыс деректері банк [сайтында](#) жазылған.

Толық ақпаратты БАҚ өкілдері төмендегі телефоннан ала алады:

+7 (7172) 77-52-10

e-mail: press@nationalbank.kz

www.nationalbank.kz